



Број/Број:  
Sarajevo/Сарајево: 21.04.2010.

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 21.4.2010			
Organizaciona jedinica	Klasifikaciona oznaka	Redni broj	Broj priloga
01-02-5-31/10			

PARLAMENTARNA SKUPŠTINA BOSNE I HERCEGOVINE  
PREDSTAVNIČKI DOM  
n/r predsjedavajućeg Milorada Živkovića

**Predmet: Prijedlog zakona o izmjenama i dopunama Krivičnog zakona  
Bosne i Hercegovine**

Na osnovu čl. 99. i 100. Poslovnika Predstavničkog doma Parlamentarne skupštine BiH ("Službeni glasnik BiH", br. 33/06, 41/06, 81/06, 91/06 i 91/07), kao ovlašteni predlagači, dostavljamo **Prijedlog zakona o izmjenama i dopunama Krivičnog zakona Bosne i Hercegovine** radi razmatranja i usvajanja u Parlamentarnoj skupštini BiH.

Predlažemo da se Prijedlog zakona razmatra po redovnom zakonodavnom postupku.

U prilogu dostavljamo tekst Prijedloga zakona s obrazloženjem na bosanskom jeziku, odredbe Krivičnog zakona BiH koje se mijenjaju, odnosno dopunjavaju i elektronsku verziju Prijedloga zakona.

S poštovanjem,

Klub poslanika SDP BiH

dr. Zlatko Lagumdžija

dr. Denis Bećirović

dr. Mirjana Malić

mr. Selim Bešlić

dr. Nermina Zaimović - Uzunović

Na osnovu člana IV. 4. a) Ustava Bosne i Hercegovine, Parlamentarna skupština Bosne i Hercegovine na \_\_. sjednici Predstavničkog doma, održanoj \_\_\_\_\_2010. godine, i na \_\_. sjednici Doma naroda, održanoj \_\_\_\_\_ 2010. godine, usvojila je

**ZAKON**  
**O IZMJENAMA I DOPUNAMA KRIVIČNOG ZAKONA BOSNE I HERCEGOVINE**

**Član 1.**

U Krivičnom zakonu Bosne i Hercegovine ("Službeni glasnik BiH", br. 03/03, 32/03, 37/03, 54/04, 61/04, 30/05, 53/06, 55/06, 32/07 i 08/10) u članu 157. Ugrožavanje teritorijalne cjeline, dodaje se stav (2) koji glasi:

“(2) Ko javno poziva ili na bilo koji drugi način uputi poruku javnosti čiji je cilj otcjepljenje dijela teritorije Bosne i Hercegovine ili pripojenje drugoj državi

kaznit će se kaznom zatvora najmanje tri godine.”

**Član 2.**

Nakon člana 157. dodaju se novi članovi 157 a. i 157 b. koji glase:

**“Ugrožavanje državne nezavisnosti“**

**157 a.**

Ko pokuša Bosnu i Hercegovinu dovesti u položaj podređenosti ili zavisnosti prema nekoj drugoj državi.

kaznit će se kaznom zatvora najmanje tri godine.

**“Vrijedanje države i njenih simbola“**

**157 b.**

Ko skine, uništi, ošteti, učini neupotrebljivom ili na drugi način uvrijedi javno izloženu zastavu Bosne i Hercegovine

kaznit će se kaznom zatvora do tri godine ili novčanom kaznom.“

3

**Član 3.**

Ovaj zakon stupa na snagu osmog dana od dana objavljivanja u „Službenom glasniku BiH“.

PSBiH, broj \_\_\_\_\_ / \_\_\_\_\_

\_\_\_\_\_  
Sarajevo

**Predsjedavajući  
Predstavničkog doma  
Parlamentarne skupštine BiH  
Milorad Živković,s.r.**

**Predsjedavajući  
Doma naroda  
Parlamentarne skupštine BiH  
Sulejman Tihić,s.r.**

## OBRAZLOŽENJE

### I. USTAVNOPRAVNI OSNOV

Ustavnopravni osnov za donošenje ovog zakona sadržan je u članu IV.4.a Ustava BiH, po kojem je Parlamentarna skupština BiH nadležna za donošenje zakona koji su potrebni za provođenje odluka Predsjedništva BiH ili za vršenje funkcija po Ustavu. On je nesporan, jer je riječ o dopuni postojećeg Krivičnog zakona BiH.

### II. RAZLOZI ZA DONOŠENJE

Izmjene i dopune ovog zakona odnose se na krivična djela protiv integriteta BiH, a predmet zaštite je teritorijalni integritet i suverenitet. Razlog za donošenje ovih izmjena je zaštita suvereniteta i teritorijalnog integriteta BiH, te bi se u skladu s tim krivičnim djelom smatralo i samo upućivanje poruke za otcjepljenje dijela teritorije BiH, jer i ono može imati štetne posljedice. Također, postoji potreba da se kao krivično djelo propiše vrijeđanje države i njenih simbola, jer Krivični zakon BiH ne poznaje ovo krivično djelo.

Razlozi za donošenje ovih izmjena i dopuna Krivičnog zakona mogu se naći u tome da i mnoge evropske a i susjedne države u svojim krivičnim zakonima imaju ovakva rješenja.

### III. OBRAZLOŽENJE PONUĐENIH RJEŠENJA

Ovim prijedlogom zakona propisuju se kazne za one koji javno pozivaju ili na drugi način upućuju poruku koja ima za cilj otcjepljenje dijela teritorije BiH ili pripojenje drugoj državi, zatim kazne za ugrožavanje državne nezavisnosti i to na način da se sankcionira svako ko pokuša dovesti Bosnu i Hercegovinu u položaj podređenosti ili zavisnosti prema drugoj državi. Dakle, kažnjiv je i sam pokušaj izvršenja ovog krivičnog djela i na kraju, vrijeđanje države i njenih simbola, i to na način da se kažnjava svako ko uništi, ošteti, učini neupotrebljivom ili na drugi način uvrijedi zastavu Bosne i Hercegovine.

### IV. FINANSIJSKA SREDSTVA

Za provođenje ovog zakona nije potrebno osigurati dodatna finansijska sredstva u budžetu institucija Bosne i Hercegovine.

**Uskraćivanje biračkog prava****Član 150.**

Ko u obavljanju povjerene mu dužnosti u vezi s izborima za institucije Bosne i Hercegovine, drugoga u namjeri da ga spriječi u ostvarenju njegovog biračkog prava protuzakonito ne izmijeni birački popis ili ga izbriše iz biračkog popisa ili mu na drugi uskrati biračko pravo,

kaznit će se novčanom kaznom ili kaznom zatvora do tri godine.

**Povreda slobode opredjeljenja birača****Član 151.**

Ko silom, ozbiljnom prijetnjom, prinudom, podmićivanjem ili korišćenjem njegovog teškog ekonomskog stanja ili na drugi protupravan način utječe na birača u Bosni i Hercegovini da na izborima za institucije Bosne i Hercegovine ili prilikom glasanja o opozivu ili na referendumu, glasa za ili protiv pojedine liste, pojedinog kandidata, odnosno da glasa za ili protiv opoziva, za ili protiv prijedloga o kome se odlučuje referendumom, ili da uopće ne glasa,

kaznit će se novčanom kaznom ili kaznom zatvora do tri godine.

Član biračkog odbora ili druga osoba koja učini krivično djelo iz stava 1. ovog člana u vršenju povjerene joj dužnosti u vezi s izborima, glasanjem ili referendumom,

kaznit će se kaznom zatvora od šest mjeseci do pet godina.

**Prijevara pri glasanju****Član 152.**

Ko na izborima za institucije Bosne i Hercegovine ili pri glasanju o opozivu predstavnika u institucijama Bosne i Hercegovine ili na referendumu u Bosni i Hercegovini, glasa na drugo mjesto drugoga pod njegovim imenom ili ponovo glasa ili pokušava ponovo glasa iako je već glasao,

kaznit će se novčanom kaznom ili kaznom zatvora do tri godine.

**Povreda tajnosti glasanja****Član 153.**

Ko pri izboru za institucije Bosne i Hercegovine ili pri glasanju o opozivu predstavnika u institucijama Bosne i Hercegovine ili na referendumu u Bosni i Hercegovini, povrijedi tajnost glasanja,

kaznit će se novčanom kaznom ili kaznom zatvora do šest mjeseci.

Ko silom, ozbiljnom prijetnjom ili na drugi protupravan način traži od građanina da kaže za koga je glasao ili kako je glasao ili da li je glasao za ili protiv opoziva,

kaznit će se novčanom kaznom ili kaznom zatvora do jedne godine.

Član biračkog odbora ili druga osoba koja učini krivično djelo iz stava 1. ovog člana u vršenju povjerene joj dužnosti u vezi s izborima ili glasanjem,

kaznit će se novčanom kaznom ili kaznom zatvora do tri godine.

**Izborna prijevara****Član 154.**

Ko krivotvori rezultate izbora ili glasanja za institucije Bosne i Hercegovine dodavanjem, oduzimanjem ili brisanjem

glasova ili potpisa, netačnim brojanjem glasova, neistinitim upisivanjem rezultata u izborne isprave ili na drugi način, ili objavi rezultat izbora ili glasanja koji ne odgovara obavljenom glasanju,

kaznit će se kaznom zatvora od šest mjeseci do pet godina.

**Uništenje izbornih isprava****Član 155.**

Ko na izborima za institucije Bosne i Hercegovine, pri glasanju o opozivu predstavnika u institucijama Bosne i Hercegovine ili na referendumu u Bosni i Hercegovini, uništi, prikrije, ošteti ili oduzme kakvu ispravu o izborima ili o glasanju o opozivu ili kakav predmet koji služi za izbor ili za glasanje o opozivu,

kaznit će se kaznom zatvora od šest mjeseci do pet godina.

**XVI - GLAVA ŠESNAESTA - KRIVIČNA DJELA PROTIV INTEGRITETA BOSNE I HERCEGOVINE****Napad na ustavni poredak****Član 156.**

Ko upotrebom fizičke sile ili prijetnjom upotrebe fizičke sile pokuša da promijeni ustavni poredak Bosne i Hercegovine ili da svrgne njene najviše institucije,

kaznit će se kaznom zatvora najmanje pet godina.

**Ugrožavanje teritorijalne cjeline****Član 157.**

Ko upotrebom sile ili prijetnjom upotrebe sile pokuša da otcijepi dio teritorije Bosne i Hercegovine ili da dio njene teritorije pripoji drugoj državi,

kaznit će se kaznom zatvora najmanje pet godina.

**Sprječavanje borbe protiv neprijatelja****Član 158.**

Građanin Bosne i Hercegovine koji za vrijeme rata ili oružanog sukoba sprječava građane Bosne i Hercegovine ili građane njenih saveznika da vode borbu protiv neprijatelja,

kaznit će se kaznom zatvora od jedne do deset godina.

**Služba u neprijateljskoj vojsci****Član 159.**

- (1) Građanin Bosne i Hercegovine koji za vrijeme rata ili oružanog sukoba služi u neprijateljskoj vojsci ili drugim neprijateljskim oružanim formacijama, ili sudjeluje u ratu ili oružanom sukobu boreći se protiv Bosne i Hercegovine ili njenih saveznika,

kaznit će se kaznom zatvora najmanje tri godine.

- (2) Ko vrbuje građane Bosne i Hercegovine za službu u neprijateljskoj vojsci ili drugim neprijateljskim oružanim formacijama ili za sudjelovanje u ratu ili oružanom sukobu protiv Bosne i Hercegovine ili njenih saveznika,

kaznit će se kaznom zatvora najmanje pet godina.

**Pomaganje neprijatelju****Član 160.**

- (1) Građanin Bosne i Hercegovine koji za vrijeme rata pomaže neprijatelju u provođenju prinudnih mjera prema stanovništvu Bosne i Hercegovine,

kaznit će se kaznom zatvora od jedne do deset godina.